

青州府志卷四十六

傳二之九

人物傳九

國朝

辭鳳祚字儀甫近洙子明生員少承家學以孝友謙讓聞於鄉定興鹿善繼容城孫奇逢講學北方鳳祚往從之遊兩家學本姚江嘗慨然欲有建樹於時鳳祚得其傳又病後之宗姚江者内心性而外學問無致用之實故其學無所不究而尤以天文名於海內是時天下方亂盜賊蠭起鳳祚練鄉勇脩商山堡自固戰陣之方攻守之具類能出

青州府志卷四十六

一

新意於古法之外一時郡縣多被焚掠環鳳祚所居五十里盜賊無敢犯者鳳祚初學歷法於魏文魁主持舊法及見西洋穆尼閣於江寧盡得其術既又從湯道未游所學日精而未嘗挾其術以干於時時亦不能用河道總督王光裕耳鳳祚名折節下之用佐治河脩守之事漕河交濟之宜莫不犁然有當鳳祚之學乃得稍稍見其崖略當事卒亦無薦引者故以著述老所著有聖學心傳輯善繼四書說約奇逢四書近指而成書也有歷學會通分正集及天步真原考驗致用四部宣城梅文鼎勿菴歷算書記推爲青州學浙江汪啟淑家藏本題曰天學會通乃表算交

食之法當是考驗部之單行本而文鼎訂註之者也有兩河清彙八卷備論漕河利病得失其言率有實徵蓋其應王聘時施有成效而作者也鳳祚歿二十餘年武進趙申季爲山東學使奏請祀鄉賢祠又四十餘年啟四庫全書館

詔求天下遺書其天步真原天學會通兩河清彙聖學心傳四書者皆著錄薛氏之學於是大顯於天下今其子孫猶能世守其書藏於家者尚有車書圖考一卷氣化遷流八卷原本八十卷今僅存第五卷六卷二十九卷三十一卷三十二卷三十三卷四十二卷五十卷餘皆闕佚亦皆有用之書與世能文章家矜博洽以自衒鬻者爲不

青州府志卷四十六

二

侔云

國史有傳吾世孫懋修別有傳

李邦彥字偉衆益都人明生員

國初以貢授汶上訓導課士有方順治三年寇犯汶上邦彥與縣令分汛拒守寇不敢近後令分守稍懈寇自北城入諸生曰盍避諸邦彥曰寇至則以身殉耳率其僕從力戰殺賊十餘人被執不屈死元孫世家歲貢授濮州訓導訓士以立品爲先世家子以邦彥蔭恩騎尉

孫元昌字大山益都人明生員性剛介善飲然不喜濶略動止有法論事則慷慨激烈凜然有不可奪之色中年以

後杜門謝客一榻之外書帙藥囊而已子廷銓官至宰輔未嘗一日就祿養廷銓爲製衣恒經年逡巡不敢進其清峻可畏如此其妻張氏教廷銓尤嚴鄉人並稱之弟翊昌生員內行純篤亦嗜酒少長過從不盡歡不止終其身不預外事翊昌弟鼎昌生員恬淡不求仕進年逾九十猶能燈下作細書廷銓翊昌子廷鐸別有傳

冷日升益都人明生員父植元好遊攜仲子曰晟出遊嶺南鼎革後遂絕音耗順治五年洋舶遇風至浙東聞多中土人日升往訪之仍無耗又數年縣人趙進美爲廣東布政使參政日升間關俱往久之聞父死於思明府之龍州

青州府志卷四十六

三

日升方在端州距龍州五千餘里踰越險阻溯泮河而上路出石門幾死於虎至鹿村大風壞舟仰天而號遇救附舟至南寧再逾壺城則無復中土人矣遇廬陵彭相如信宿商略導往龍州客有傳其弟日晟客遷隆者遷隆地近分茅嶺古桐柱界也岐路徬徨不知所處孤舟夜泊但有哭泣鄰舟廉石玉者聞而悲之爲寓書明江任玉書遂至明江又二百餘里至遷隆得見土司訪之又無耗則客言之妄也復返明江又因玉書遍明江訪之有蔡鄭二客者曾識植元於龍州偕日升往經滑石灘與葬師譚遇譚植元所善也請與俱遂至龍州鄭導往州之北門荒冢纍纍

不可辨識越二日市人嚴世隆見之歎曰予與君之弟交翁之葬予以力助焉不在此而在東郊葬後交趾內犯土人奔竄君弟病不知所終因述元植音容病狀及所具棺甚悉導至葬所發土啟棺殉衣顏色未損平時家居所常服也乃奉喪以歸縣人孫廷銓歎其難載之顏山雜記許尚忠益都人初不識字幼給事人家過書舍常竊聽之時以手畫地作字數歲粗曉大意好爲大言所如輒不合曰此不知我輒去之後事御史任濬爲書史初濬巡按中州流氛大擾因病罷去越歲復起督師河南李自成窺汴已三年矣濬簡徒以行尚忠與焉至長垣賊以計劫濬以

行尚忠獨從至順德不降俱被縛去欲兵之尚忠在後呼曰死則死耳不可亂後至京師賊敗乃俱歸順治中尚忠以倉場從事授瓊州府經歷安撫山峒黎人又有勞效得其風俗要領以歸自記履歷道其事甚詳見顏山雜記劉耆功字玉華益都人安東衛把總順治十八年棲霞盜于七亂從役死於難邑人蔣天樞作劉將軍歌以弔之趙進美字疑叔益都人明崇禎進士爲行人司行人甲申之變僑居江寧轉徙吳江之汾湖定鼎後北歸起補太常寺博士爲詩清真絕俗初得王孟之趣繼乃刻意二謝又與龔芝麓鼎孳曹秋岳溶唱和一變而爲高華及在江西

乃以兵略自見陝西河南數年無赫赫之名而去後令人思進美論詩無門戶異同之見其分守左江時嘗寓書新城王尚書士禎言詩之得失士禎詩云風塵憔悴趙黃門嶺表遷移役夢魂昨見端州書一紙說詩真欲到河源其折服如此著有清止閣集孫執璲四歲而孤事祖母寡母以孝稱爲淮安府山清外河同知號臚仕執璲家以中落人以是稱之進美兄子作肅生員年十二居父喪如成人事進美亦謹作肅子執端士禎甥也詩亦酷似其舅四庫全書錄其寶菌堂遺詩二卷

孫廷銓字枚先元昌子明崇禎進士授永平推官

青州府志卷四十六

五

國初起河間府推官分司天津擢吏部主事歷遷兵部侍郎擢尚書上疏辭謝不許尋調戶部尚書政尚清簡務持大體調吏部尚書疏請停吏禮二部會考學道之例按俸薦升轉以絕揣摩奔競之路

報可又疏言舊例新闢邊疆員缺督撫委用者卽予實授同部選之官一體遷轉有莅事未久輒移內地者請嗣後試署兩年果能安民靖盜乃予實授又言司道不宜輕易非大計處分及貪酷被糾而降革者仍留任

上俱從之六月因旱陳言有請寬考成與屯政二疏上命兵部議興屯事宜而指考成疏中積資累薦棄以一

青諸語

命回奏所指廷銓言積疲州縣久累人材稍請寬減以厲後效非爲處分人員求免也廷銓在朝既久事務持平是非之辨必動色爭之一日以事與尚書杜立德爭都察院疏論廷銓失大臣體

詔寬免之康熙二年擢秘書院大學士一年引疾以歸既去山居謝賓客焚香埽地晏坐著書四庫全書著錄者有顏山雜記四卷南征記略二卷漢史億二卷泚亭文集二卷其歸厚錄十八卷琴譜指法一卷藏於家廷銓自吏部郎至宰輔家無餘財清望蔚然卒

青州府志卷四十六

六

予祭葬如典禮諡文定

國史有傳子寶仍別有傳

張聯翼字白生曉長子素秉質直不可干以私由歲貢知河南伊陽縣招撫流亡咸以實心舉事齟使至咤詈需索不應由是與齟使相忤時

國家初定賦稅未清鄰境豪右隱占爲多聯翼捧檄履畝勘之或諷以上官意聯翼恚曰事君勿二民事卽君事吾所學謂何惟以實陳報他何卹焉尋罷歸子之堪生員事繼母孝事寡嫂亦甚謹良田宅悉以推之之堪子虞熙康熙三十八年進士授宜君知縣縣舊派里銀以供官用虞

熙至悉除之設義學以教寒峻民爲建坊額之曰衆民之母後改補魚臺教諭事繼母亦以孝聞

王遵坦字太平潞子少負奇才好飲酒擊劍叔父衮才而數奇亦跣地放於酒每飲皆盡醉相與賦詩大歌呼爲樂客至輒不得通顧獨與劉孔和善遵坦有別業在家桑谷數與孔和游止賦詩一時人皆目笑之鼎革初隨肅王入蜀川北旣平遂署四川巡撫其詩源本樂府新城尚書王士禎稱之著有願學齋墨甲堂集從弟尊美亦能詩不亞於兄有鵲巖齋詩二十卷燬於火僅存其半焉

崔沖鶴字伊蒿臨淄人明生員少失怙事母以孝聞試輒

冠其曹頗自矜慨然有經世志癸未賊陷京師沖鶴棄諸生絕人事走邑北二十里居淄水旁穿渠灌園植松柏種菊數百本徜徉其中隱其姓氏自號稷門逸關佛甚力晚年復好禪乃於屋左構大士菴誦楞嚴法華諸經終日蒲團靜坐或易僧服詣名刹數日不返子四人不令讀書荷鋤力耕而已康熙元年知縣楊端本編戶籍沖鶴去巾服雜百姓中匍匐階下端本視其貌偉然詢名氏悉其本末知爲邑望族羣從子弟數十人皆邑諸生爲作稷門逸傳贊曰余讀留侯世家漢初高皇帝不能屈者四人蓋商山四皓云其一爲夏黃公崔少通臨淄人越數千年而有稷

門逸亦崔氏豈其苗裔耶聞歲大饑有老嫗攜少女求爲逸妾者逸陽許之收養如已女擇農家子而嫁之稷門逸蓋義人也或曰稷門逸逃於禪非眞禪者君子曰稷門逸古之遺逸也

于通臨淄人年十五喪父嘗傭於醫者求療母疾明末李五等作亂母爲賊所執通求以妻代妻趙氏出應賊義不受辱罵賊以死母得免知縣邵嗣堯爲之傳

路登雲字鳳閣博興人性純孝明末遇兵執其母刃且加頸登雲乞以身代死獲免後母歿盧墓三年順治間以歲貢授兗州訓導遷東阿縣教諭康熙三年裁缺改補滕縣

教諸生以力行爲本尋乞病歸猶日負土封父母墓焉徐振芳字大拙樂安人明貢生幼負異才天啟丁卯鄉試試策忤魏璫被黜詩初學竟陵公安久之乃折衷於李杜獨闢堂奧由是海內多知振芳名鄒平邱磊者少爲諸生有才名積功至總兵官振芳常參其軍事磊後爲劉澤清所殺妻子羈非所振芳力爲經營澤清亦重振芳聞之悉還其妻子李自成初入關振芳詣史可法請抗疏用唐肅宗靈武故事不聽後自成陷京師遂隱居安東衛爲詩酸吟激楚益多變徵之聲十餘年卒其詩見錄於四庫全書曰徐大拙詩稿子峒工書有振芳筆意

孫三錫字懷萬一字晦菴儒忠子明生員性孝友父歿居廬終喪不入私室母病隆冬思魚不得三錫悲號私禱得魚爨下孫孝子之名由是揚焉母歿廬墓六載每遇歲時令節祭父母墓哭泣必哀終其身如新喪祭兄墓亦然學宗程朱教授生徒一遵白鹿洞規刊孝經近思錄諸書以啟後學倣朱子讀上蔡語錄法以大學衍義性理大全朱子全書授諸子讀生平口不言人過亦不喜聞人之過其濟物利人如設義田建社倉立鄉塾掩露齒助人婚喪重脩學宮又置田充諸生廩膳不可殫述一時有成氏父子孫氏兄弟之稱成氏父子者御史勇侍郎其範孫氏兄弟

青州府志卷四十六

九

者三錫與其兄三傑也子宏喆別有傳

李煥章字象先中行子明生員才名譟一時鼎革後不復應舉專力於古文辭好史記於唐宋諸大家獨喜柳州故其爲文雄傑有奇氣祥符周亮工爲青州道刊其遯山堂集與壽光安致遠安邱張貞諸城李澄中並稱煥章旣歿澄中訂其生平所爲文爲織齋集八卷四庫全書錄其目兄含章字繪先弟斐章字茂先皆善詩子新命舉人寧南州知州

王大猷字允升樂安人明生員風格凜然笑語不苟學問淵博尤長於詩著有遯山詩集二十餘卷

張凝字蘭脩壽光人副貢少失怙事母孝母有不懌凝與其妻皆跪謝母顏解乃己凝弱冠應縣試受知於知縣李耿是歲被兵城陷李死之凝冒死收其遺骸李自成陷京師僞官至邑人導鼓吹出迎凝獨涕泗交橫感動路人張邵棟字若水壽光人性孝友崇禎壬午兵變縣城破邵棟躬負母奔竄裹乾糲以奉母已七日不食亦不死皆得免難兄某早亡遺幼子邵棟撫若己出後析爨分產倍於己子與人無所拂坦懷厚德遠邇無間言

王德用字鳳山壽光人性孝友崇禎壬午負母避兵被虜逃歸父死於難得屍葬焉已而土寇起弟世用死於戰復

青州府志卷四十六

十

冒死尋屍歸母哭子喪明而病德用侍奉不懈十三年如一日嘗冒雨購方藥渡河及半水漲而溺忽中流有物如槎乘之而渡得不死人以爲孝感云又楊時清歲貢執父母喪哀禮備至事繼母亦以孝聞

江顏字明齋壽光人事父母孝值明季父爲盜唐某所殺鼎革後鳴之官官不能捕顏晝夜悲慟時或號頓於地一日盜方醉臥顏懷刃刺盜死赴縣自首鄉黨烈之

孫昌祚字廓之壽光人明生員好學精於易理鼎革後不應科目爲人博雅深純時皆稱有道之士年八十餘無疾卒

瑾子重璧壽光人明生員善屬 磊落有氣概鼎革後
縱情詩酒以終

李再膺字龍門壽光人歲貢世居縣城順治元年適以事
人郡聞土寇犯縣城倉皇而歸徘徊城外賊數騎突至執
之詢其姓字相顧驚歎送至城下縋而入繼而

大兵東下土寇未戢知縣遣再膺招諭之賊露刃以待再
膺反覆開諭賊皆感激投戈去子慤生員醇謹有父風
劉養浩字志完壽光人力學能文事親至孝父母歿廬墓
終喪其世父母皆大年養浩事之如事父母子毓桂別有
傳

劉恒字君常昌樂人廩生性孝友教授鄉里爲學務實行
性好濟人鄰有趙氏者母子相依其子染疫母瞽恒曰此
子死趙氏絕母亦死矣急遣婢媪調護之母子賴以存活
其行事多類此知縣吳聰舉鄉飲酒禮遣迎再三力辭不
往子潑符別有傳漢符廩貢能詩

馮士標字端明惟健曾孫明崇禎十三年進士

國初謁選授兵部武選司主事旋授陝西按察司僉事分
巡關內道時地方初定順治二年冬流寇賀珍圍西安城
士標登陴率衆禦之三年正月賊始退城賴以全商州賊
首劉二虎等破城劫掠總督孟某檄士標往救士標身

士卒大敗之盡復所侵地期月之內妖氛盡織四年
王師西下四川流賊燒燬棧閣以自固道路阻絕士標率
衆督修旬月間棧道復通尋遷右參議兵備莊浪道莊浪
經兵燹後人多逃竄士標多方招徠輕刑薄稅遠邇悅服
又嘗捐俸修築學宮日與諸生講繹經義西鄙知有文教
士標力也九年升四川建昌兵備副使明年改福建按察
司副使未至而卒

張五美字尊所臨朐人自幼潛心宋五子書爲學以主敬
爲宗學道宣城施閏章遺楹帖曰性成孝友學衍朱程邑
人以爲實錄私諡曰貞懿先生子初旭別有傳

青州府志卷四十六

十二

孫席慶字善徵臨朐人順治初以拔貢任漢中府通判告
歸終養舊志入事功傳而不言其事功

王著名字台範臨朐人崇禎壬午武舉人

國朝授保定左衛千總歷遷至廣東龍門都司築城二百
餘丈建敵樓三百務具舉屢有戰功擒渠寇張子龍數輩
百姓賴以安集頌聲大作治兵之暇輒與邑士眺詠移日
又嘗罄資倡修學宮在龍門六年引疾歸家居不復出戶
生平亦以孝聞

馮夢陽臨朐人生員性和易與人處無貴賤貧富皆有禮
不可以私干鼎革初寇攘滿道聞其名不忍加害其素

李涵字繩岡遷梧孫明崇禎六年舉人幼負奇氣讀書過目不忘好行其德能急人之急鄉里感之時值鼎革土寇嘯聚山谷勢張甚涵左右佩刀手弓矢率壯士數十人直抵其巢捨其渠殺之餘衆望風解散一方獲安晚年裹足公車厚自斂晦以終其身子其旦別有傳

劉正耀字似鳳希龍從孫生員任俠自喜甲申乙酉間土寇蠡起正耀執銳披堅倡衆殺賊以保村坊鄉里賴之曹復植字雲將應墳孫廩生天性孝友沈毅寡言成童補府學弟子員聲名藉甚與益都孫廷銓淄川高珩相頡頏試輒高等而鄉舉輒不售家多藏書莫不通究尤留心經

世之學好論古今利害成敗年二十八卒弟復彬歲貢亦有學行明季壬午之變兄避兵安東久無耗復彬往尋之中途遇兵其僕邱虎山左右之得脫歸翼蔽曹氏爲功甚鉅其義亦不可沒云復植子貞吉復彬子燦吉輝吉曾孫良別有傳

李宗道安邱人天性純孝壬午之變母被兵執將加白刃宗道以身蔽罹五巨創母得不死宗道亦蘇居家奉二親竭誠盡禮每出入必稽首鄉黨異之父歿割地以葬家愈貧事母愈孝母病晝夜不離側農事方興母強遣之去乃隱處於外以時入供湯藥母復戒之對曰之野方還耳夜

則假寐地下不令母知亦不敢顯問母安惟反側竊聽母動息而已母歿晝夜號泣既葬廬於墓旁寢苦枕塊負土成墳三年足不履戶庭平生惜字掩骼修橋施茶爲善如恐不及知縣胡有德請於當道表其門曰孝子善人

張玉綸安邱人壬午之變玉綸及父旺母盧皆被虜而異其主父母私謂玉綸曰我兩人力不能脫汝自爲計玉綸泣曰父母在此兒將焉往既出塞因分營與父相失乃逃歸鼎革後玉綸詣京師徧訪不得後二年諸城有自瀋陽來者得父母耗玉綸乃出山海關至羊腸河於焦利賓弟桓德家得見父母別九年矣次年又命弟往省比至則父

母已從桓德移居白土厰由條子邊外行數日而至始見父母而歸次年復貸子錢峙糧偕弟往乞贖父母桓德索曰金千兩不得已留弟代父母役而歸次年又往命弟歸自代其役者七年日哀其主乃遞減其數至五十又中變玉綸仰天號泣桓德以兄命許之乃得歸其出塞時父年五十二母年四十四比歸父年七十六母年六十二矣又六年而父卒十二年而母卒

馬逢伯字鳴寰安邱人生員生有至性五歲哭其母哀感鄰里事父先意承志家雖貧而甘旨未嘗敢缺繼母郎性嚴事之尤謹雖楚撻弗怨歲時祭祀必伏地涕泣儼然如

在也生平忠信自持嗜學精於三禮邑士多被其裁成嘗著爲書以示後學人有過卽力爭必不苟且訥徇論者皆以爲有古長者風子恒謙別有傳

劉正衡字元定希孟孫明天啟四年舉人以對策忤魏璫罰停二科崇禎四年乃成進士授刑部主事審錄畿南讞獄平允出爲太平知府三年以治最升浙江按察司副使守正不阿權貴人銜之以河南方用兵改河南信陽道副使欲以危之至則戰守劫毖卒無失事又忤督師某論共不長於兵改山西冀南道僉事時潞安方苦兵荒守禦振卹所部晏如尋升溫處道副使丁繼祖母憂歸

國朝定鼎以薦至京引目疾歸弟正宗子恣之字君勉以父得罪分隸正白旗康熙壬子中旗籍舉人與長洲韓莢爲同年莢亟賞其文旋以用兵停滿洲會試不得舉進士授唐山教諭以名節厲士習升國子監學正時國子生多以聲氣相尚不務實學恣之日督教之風氣爲之一變後以弟承申卒於沅州恣之悼痛慘怛至輟飲食鬱鬱成疾卒承申工詩恣之子際平別有傳

李淑孕字孺真遷梧從孫性方嚴不隨世俗順治初田明經尹太和 弱擊奸以風力著然事上官雅非所長 罷歸里與縣令接語不及私獨於桑梓利害曲直更僕盡言

易簣之夕聞者含涕可以觀德矣子孟雨別有傳

王開基字膺原諸城人父允升績學好義歲饑施粥半載開基萬厯舉人順治初授壽昌知縣時東南新闢開基勞來撫循具有法度事定標官獄起標官者故山中大豪也諸縣令奇貨視之招部民告訐開基置不問上官切責之已而諸大豪復相率入山爲盜爲郡縣害壽昌獨無恙乃謂開基所持得大體以治狀聞行取工部主事升員外郎八年奉使修南河檢冗費省夫役民以不擾弟恢基別有傳曾孫栞廩貢厯仕永平德安府知府以清勤稱元孫元鶚舉人乾隆四十九年

青州府志卷四十六

十六

聖駕東巡獻詩賦

賜緞授淄川教諭亦有廉名

丁耀亢字野鶴惟寧子少孤貧負奇才倜儻不羈弱冠爲諸生數千里走江南遊董其昌之門旣歸鬱鬱不得志作天史十卷以示益都鍾羽正羽正奇之明季鄉國盜起時益都王遵坦用劉澤清兵捕土寇耀亢素善遵坦遇於日照更爲募數千人解安邱圍順治四年入京師由順天籍拔貢充鑲白旗教習詩名大噪後爲容城教諭遷惠安知縣以母老不赴爲詩踔厲風發開一邑風雅之始六十後署木雞道人其詩甚富新城徐夜嘗於逆旅一

客據案大嚼旁若無人遽擲一巨編示夜曰我諸城丁野鶴也頃有詩數百篇無人知者子爲我定之尚書王士禎傳其事以爲美談其野鶴詩鈔十卷著錄於四庫全書自陸舫詩草以前耀亢所自刻江干草以下其子慎行所續刻也兄子豸佳工賦爲古文亦有識辨

劉翼明字子羽元化子少讀書工詩好任俠喜交天下奇士與膠州王儗相友善儗工詩好大言落落寡合怨家銜之切骨乘亂劫殺之儗無子翼明鳴之官數年冤始白迎儗母高養於家又爲儗纂遺稿付其女夫張桐藏之有送儗老母歸膠州詩曰宿草滿阡人更哭遺文行世鬼猶狂

青州府志卷四十六

十七

眞不負死友者後卽墨知縣寧波周斯盛坐海禁下膠州獄從獄卒得儗詩且悉翼明爲儗復讐狀意翼明老且死弔儗詩有曰九京除卻劉子羽更誰與子稱相知後過諸城遇翼明幸其不死相與訂交論定其詩而去翼明爲詩五十餘年積四千餘首李澄中爲之刪定曰鏡菴詩選今傳本也翼明爲人坦易多所玩弄類不恭然舉止無所苟康熙初周亮工爲青州海防道以書招之不往由歲貢授利津訓導同縣王翰從翼明遊詩亦有名

邱石常字子廩雲嶽孫歲貢與兄齊名常往來江淮吳越間所交遊多奇士

國初爲夏津訓導勸學厲士升高要知縣新城尚書王士禎贈詩堅其行竟不赴學者稱海石先生臨川李來泰稱其有魯仲連辛幼安之風縣人丁耀亢尤奇之子元武字慎清順治十六年進士授撫州推官裁缺補施秉知縣行取工部主事會吳逆亂作間道東歸日與劉翼明李澄中徐田張侗以詩相唱和泰州鄧漢儀服其偉麗清深詩觀詩品皆登之復訂其全詩曰柯村先生集元武弟元履好草書與劉翼明李澄中並稱石常兄子元復七歲能屬文十歲補諸生亦工詩著有禮記提綱集解十二卷四庫全書著錄者爲四卷又族子宗聖亦以詩名

王壇字鐵東諸城人生員母病不食壇亦不食崇禎十五年城破壇守母不去兵索金帛將加刃於母壇以身代死而復蘇母亦無恙隱居山林教子孫爲聞人壽至八十馮源字白山諸城人明歲貢順治間爲曲阜訓導與多士約行四條曰孝曰弟曰謹取與曰嚴禮教士初憚之期年而教行膺卓異告歸子世鞏進士官工部主事能詩宣城施閏章稱之世鞏嗣子正緒雍正間援例授懷來知縣縣自明季於南山隘口築墩臺置戍兵以山田爲餉每五十畝租六石罷戍而租如故正緒乞總督奏請免之縣民以蘇正緒從孫宣爲兩淮豐利場鹽大使出資倡修海堤民

肖宣像於金龍時左祀之

陳獻真字子璞諸城人明生員父母歿皆廬墓三年授生徒琅邪臺工詩題刻甚多今有存者

王應第字超然諸城人生員丰采嚴憚人不敢狎年八十二值順治八年羽山賊掠兩城執應第男女被執者甚衆因給賊曰吾有藏金若盡釋無辜當發以相奉耳賊喜盡釋所掠擁應第至家應第罵曰我欲活鄉里耳安有金子賊哉遂遇害

張惟修字西華諸城人世居普慶村順治初臨朐王某以家變攜妻孥亡至縣鄉民不懲者利其橐金將掠之惟脩

青州府志卷四十六

十九

力護至家勛以孝友王感泣而歸莒州賊莊條之聚數千人圍祇溝村去惟脩居才數里其衆皆相戒勿犯云

馬國禎字明生博興人順治二年舉人性純孝父文衡有疾經月不解衣居喪三年未嘗見齒選授大名知縣多善政入祀大名名宦祠

隋琳字憲初所居子順治二年歲貢授襄陽府推官數出奇計卻寇兵遷辰州同知明故永順宣慰司彭氏入山負險不出琳遺書諭之彭納地自贖不折一兵而事定

邱志廣字洪區諸城人少遊勞山學仙歸而潛心理學介安邱馬從龍遊寧陵呂坤之門後從龍爲知縣所中禍巨

測志廣倉皇赴其難由順治 歲貢授長清訓導著有柴
村文集十二卷四庫全書著錄者爲十九卷又附錄一卷
云

王荃可字遇符基孫父世鸞生員博學能文執德謙退生
平未嘗失色於人荃可順治三年進士授行人再奉

詔命出簡靜不擾考授御史巡按粵西時粵西初定人情

搖惑官吏鮮知奉法荃可至墨吏皆望風解綬去會滇寇

卒至圍桂林荃可日夜拒守力盡城陷被執不屈死

贈太僕寺少卿遣官

諭祭蔭子松入監讀書

青州府志卷四十六

二十

呂維樛字穉修益都人父濬明歲貢鴻臚寺序班性孝友
號爲長者維樛順治三年進士爲御史稱敢言理九門鹽
法搜姦剔弊大便於民巡按山西伸理冤獄所至囹圄幾
空弟維櫛康熙六年進士趙城知縣縣爲霍山支脈長河
在西維櫛築土營樓以固地勢又濬渠紆迴四十里溉民
田莅任五載爲忌者所中歸維櫛子炯元城知縣濬漳水
又請除雜派之累民者民用大悅會西安用兵檄督牧羊
事又奉檄北套道經瀚海敘功以道員用

縣志云他
無所考

扈標臨淄人順治三年進士授永豐知縣繕脩學宮安輯
流亡姦宄屏迹有武弁不法標發其罪立伏法民以獲安

量移淳化縣終

謝賓王字起東臨淄人順治三年進士授餘干知縣兵燹之餘戶口多逃亡百計招徠始各復鄉井復值金聲桓之變竭蹙守禦力盡城陷具衣冠抱印投鄱陽湖官軍救之不得死家人被害者二十餘人後補南康府推官丁母憂歸不復出以詩自娛而已四庫全書錄其蘭雪堂詩三卷孫允吉附貢好施每歲冬春之交恒出粟濟貧乏雍正乾隆間多所振救焉

張紹齡字續千高苑人順治三年恩貢授大名府通判攝魏縣事以廉聞縣人某巡撫王黠爲立石記德政行取理

青州府志卷四十六

二十一

藩院院判歷升至刑部郎中出爲西安府知府西安大郡號難治紹齡拔薤鋤梗強宗屏迹郡人德之甫一載引疾歸

張濟世字濟之壽光人順治三年恩貢授靈寶知縣有善政民多爲位於其家生祀之升延安府同知居家以孝友稱鄉人皆服其厚德云

李适字長倩汝英子順治三年進士授內黃知縣縣有逋賦累民白大吏豁除之民賴以蘇每出循行阡陌間引野老雜坐咨其疾苦有古循吏風尋調湘陰謝病歸

馮溥字孔博士衡子順治三年進士改庶吉士授編修累

遷秘書院侍讀學士尋擢吏部右侍郎康熙元年轉左侍郎會停各省巡按之例朝議各遣大臣二人廉察督撫溥以督撫重臣又兩大臣稽察之權既太重勢復相軋非政體所宜執不可吏部侍郎某瞋目起立張拳向溥溥徐應之曰何遽爾兩議可也時四司滿漢官皆股栗環跪溥前請從某議溥曰國家大事非若所知也獨抗疏直陳上是溥議事乃寢六年充會試副考官明年擢都察院左都御史時有紅本已發科鈔輔政大臣某又改批溥疏言批本發鈔不宜改幾得罪而

中旨獨獎溥所言溥在臺省二年言事最切又顧惜大體

青州府志卷四十六

二十二

凡時政所繫章疏迭奏無紛更苛細之言平南王尚可喜靖南王耿繼茂續順公沈永忠牒戶部請免其買馬之稅溥疏言藩王將軍督撫提鎮買馬備戰守事例相同可喜等不應獨異請依例收稅下部議行九年擢刑部尚書有愚民犯法日衆

朝廷教化宜先一疏未幾以年老乞骸骨不許十年授文華殿大學士明年又上疏乞休

上慰留之十七年又請焉明年爲會試正考官是時方詔試博學鴻儒原任布政使法若真副使道曹溶參議道施閏章進士沈珩葉舒崇中書曹禾陳玉璣知縣米漢雯

皆溥所薦閏章授侍讀珩禾漢雯授編修而毛奇齡朱彝尊陳維崧等一時皆出其門稱爲極盛五月乞休益切二十年復上疏求去

上曰朕知卿年高然朝有老臣不綦重耶明年溥年七十四矣復上疏請辭甚懇

溫旨俞允八月溥復疏列五事言臣遠辭闕下敬抒愚忱願

國家毋費財毋遠出毋輕遣官臺灣小醜毋輕遣進勦鹽關課稅祈刪除溢額議敘之例

上嘉納之瀕行

青州府志卷四十六

二十三

上親灑宸翰賦詩以寵其行旣歸闢園於居第之南曰偶園輦石爲山佐以亭池林木之觀優游其中者十年溥善知人不妄進取初入相薦起蔚州魏象樞其入相之前年卽乞休旣入相十一年間疏凡五上然後得請卒

賜祭葬謚文毅著有佳山堂詩集四卷見錄於四庫全書山東巡撫采進本也

國史有傳子協一別有傳

張初旭字燾若五美子沈默好學究心程朱之旨順治三年進士值土寇大訏捐貲犒守城賴以全授辰州府推官沅陵道阻留武昌以違限落職總督力薦復補長沙以疾

辭歸著有《大易心鏡》四書宗旨並刊勸孝寡過崇儉感應諸書子嘉賓別有傳

周歷長字清熙若水子順治三年進士授中書舍人性孤介無所攀附循資遷戶部主事督通薊糧儲廉平盡職尋遷郎中父老例不得終養引疾歸結草廬顏曰淡定奉父以讀書自娛居鄉恂恂未嘗與物忤子泰生歲貢授邱縣教諭歷升黔西州知州苗氏雜處以教化爲先境內稱治尋乞歸

孫爾令字德聞安邱人順治三年進士授玉川知縣不畏強禦獄片言立折姜瓖之變僞帥以衆數千薄城下邑人

青州府志卷四十六

二十四

洵洵欲從賊爾令立真倡言者於法諭以大義率衆守陴夜出不意擊之斬其將李際方獲輜重甲仗無算賊宵遁城賴以全著有尊石園詩話十餘卷孫亢宗生員有才名工詩德州孫勳益都趙執信深器之

李孟雨字斂若淑孕子順治三年進士授潞城知縣瀕行父戒之曰勿起無形影風波勿受無天理金錢孟雨誌之不忘路有富民與庶母弟爭產賂以千金孟雨曉之曰汝輕骨肉而重貲財與其以金賄我何如厚爾弟其人感泣而去縣分戶口三十三里舊以胥吏雇役交催里賦擾民而病官孟雨悉革除之令民以時自輸不取羨餘一邑稱

便丁父憂服闋補湖廣之桂陽中途以疾歸五世孫開畿歲貢性孝友少有文名晚年選招遠縣訓導未赴卒馬夔龍字同寅安邱人順治三年恩貢授開封府通判攝封邱祥符二縣俱稱清惠時天下初定部民子女爲土寇所奪者爭赴愬焉夔龍盡以還其父母百姓德之尋調漢中告歸囊橐蕭然

馬長春字三如應龍孫順治三年舉人從其叔祖從龍受三禮又從萊陽宋繼澄游爲人清真簡遠言動必遵古禮嘗定祭儀一卷躬行於家工詩與新城尚書王士禎交士禎謂其詩似孟東野賦詩寄之康熙十七年

青州府志卷四十六

二十五

詔舉博學鴻儒有司以長春名上稱病不出著有竹香亭集子石麒字又陵父歿茹素三年母病不能言石麒先意承志久而益篤鄉人稱之石麒孫騰良有行誼能詩王訓字敷彝安邱人順治四年進士授萬泉知縣會以姜瓖之叛註吏議歸與其友張貞以古文詞相濡染知縣任周鼎屬修縣志體例謹嚴具有史法康熙十七年詔舉博學鴻儒有司以訓與馬長春應以疾辭其縣志四庫書目提要存其目無貶詞二酉彙刪二十四卷亦見錄焉其學庸思辨錄孟子七篇指略悔軒文集藏於家王勸字袞華諸城人祖思曾事繼母以謹孝聞父翰元府

生員生平與人無忤勸順治四年進士授宜興知縣行保甲法甚力縣有巨盜倚深山爲窟宅勸獲其渠魁二斬之羣盜皆遁再任文安爲治不畏強禦民爲立祠祀之李佐聖字枚公諸城人父體仁天啟中舉人爲陽城知縣以直聞佐聖崇禎九年副貢性孝友兄病佐聖親侍湯藥雖嚴寒必跣足以進恐兄聞履聲也崇禎十五年冬城破兄弟皆遇害佐聖被掠至遼東爲東定寺僧大學士范文程奇其修醮文延爲子承謨承勲師遂隸旗籍順治五年授晉州知州夜土寇突至登城佐聖擊退之復擊賊於州之北境境內以安升延平知府民建祠生祀之

高廷璧字君實諸城人順治五年拔貢授鎮江通判鎮江守兵素驕桀一日縱火剽劫將爲變廷璧捨首禍者數人其主將以重賄求釋廷璧卒寘之法歲饑廷璧煮粥活人甚衆民肖像建祠祀之尋升袁州同知從子璿雍正八年進士翰林院檢討生母楊就養京邸頗思鄉璿告歸不復出廷璧族弟爾謨依廷璧袁州廷璧歿歸江南某總兵幕會某賊作亂久不成捨謀招撫之爾謨方縱飲聞之馳入賊中諭以大義賊遽降議功授安慶營守備

孫宏喆字仲吉三錫子順治六年進士授廬江知縣鼎之初城垣廨宇皆燬於兵宏喆至繕女牆設重關置縣署

築滾壩瘞城內外棺骸立養濟院以收孤老重興學宮別立社學以教士朔望親臨考校又修輯邑志居任數年百廢具舉海寇犯縣城死之士民悲痛祀其主於社學事載廬州府志廬江縣志名宦傳

劉之裕字景曾壽光人順治六年進士敦行誼居鄉甚謹生平未嘗乘馬八里門其族嘗夜被盜劫之裕遽出理論之盜笑曰公恃德望來勸我耶後授合水知縣卒於官歸葬時有鄉人數輩持酒脯祭其墓云

王鏐字伯和恢基子順治六年進士授戶部主事升郎中十三年授江西饒南九江道參議饒新被兵良家子女有

在兵間者鏐使自首得贖金其不能贖者鏐代贖之調廣西府江道副使旋擢貴州按察使將行會有告言民方雷等二十家謀叛者已入奏矣鏐察其冤白於總督覆請得免乃行貴州土官龍瓚本無異謀某弁執以希賞鏐破械出之尋授江南左布政使江南故陪京入

國朝設布政司事皆創起胥多淆亂爲姦鏐至無敢慢法者孫楷別有傳曾孫元烺舉人全椒知縣歲饑施粥元孫紱疆舉人營山知縣士民愛之爲立生祠

王斗樞字均五諸城人順治六年進士授崇義知縣調進賢歲饑力請蠲租稅建書院壇山與諸生講業若布衣交

行取戶部主事去縣人卽其地爲位祀之弟斗維別有傳
孫延祺延禮皆進士延祺仕至禮部郎中延禮龍南知縣
縣獄繫逮纍纍延禮至皆白其冤

高應玠字明珍安邱人順治七年歲貢授東陽縣丞時方
用兵應玠擒賊魁王思鸞遷臨洮府同知理茶馬與羌人
相結以誠境內肅然

尹從王字含英樂安人順治九年進士授嘉興府推官讞
獄平允釐剔漕弊立官收官兌之法浙西至今遵行之後
以事鐫秩去康熙十九年起補山西芮城知縣下車罷城
守鄉夫申議流民不得派修鹽池縣人德之後升雲南彌

青州府志卷四十六

二十八

勒州知州以疾卒著有學圃集五卷子長祜歲貢章邱訓
導升高唐州學正有繡江吟松濤山房詩若干卷

劉毓桂字秋士養浩子順治九年進士授揚州府推官揚
州介江淮間地重易爲姦利胥承訟牒先趨人至訟者所
攫其金號剗子船敗人產恒無算毓桂執其渠實之法患
遂絕漕糧數十萬監兌歲得數千石曰羨米悉革除之時
有大獄數十人將論死毓桂疑而辨之冤立雪大吏皆大
喜以爲孝肅清獻再見也舉卓異高等尋陞吏議歸事父
孝謹罷官後年近五十朝夕侍奉如孺子父歿哀毀死復
蘇葬旣踰年毓桂亦卒弟允桂字雲子與兄同第進士

授合水知縣以廉靜稱

李上林字培之遷梧從孫順 間進士授翁源知縣值山寇披猖當事議以兵臨之上林請曰無庸遂單騎入賊窟諭以大義不血刃而歸命者千餘人地處荒陬一切暮夜金在官悉稱舊例習以爲常上林痛洗之積習爲之一變尋行取刑部主事

劉必顯字微之通子順治九年進士授戶部主事民有獻產於旗人而身乞爲奴者其主將並沒其兄弟之產而盡奴其家人必顯持不可竟更其牘督通州中南倉官舍後種蔬自給恒數日不肉食權關蕪湖改立進單之法嚴禁

青州府志卷四十六

二十九

蠹吏需索估客便之終戶部員外郎子果榮棐別有傳楨廩貢有至性果督學江南一蘇州富人攜重資謁楨於家求片紙爲子弟地峻拒之不問其姓名楨子紹輝康熙十六年舉人好施予人多賴之

丁似穀字率胥惟寧孫順治九年歲貢授萊蕪訓導有李生者爲盜所誣似穀力辯之知縣不聽遂徑達巡撫學政冤白告歸家居二十餘年嘗獲盜樹者其人給以母死卽贈爲葬具著有大端亭遺訓一卷舉鄉飲大賓

劉斌憲字恩波諸城人明季武舉順治元年七月土寇邱凝休王玉山等聚衆攻城知縣某委以城守剿賊有功同

時又有丁彝鼎以鄉兵沿濰水追殺賊賦溺死者無算而彝鼎竟被害又李植偵土賊程某等三百餘人將爲亂倡鄉人捕縛之聞於縣斌憲中順治九年武進士彝鼎亦武進士植武生

徐維藩字价人諸城人明拔貢改習騎射登順治九年武進士由守備歷升廣東參將康熙十三年吳逆使諷之曰向南日暖向北風寒維藩曰維藩知致身報國耳寒暖非所知也是年夏吳逆勢熾度必爲亂乃瘞祖父木主痛哭戒士卒嚴防守而人心搖動欲附賊勢洶洶不可遏維藩亟出登城止之自夜至午不少息染瘴而卒

青州府志卷四十六

三十

臺瞻斗字曰靈諸城人順治中以拔貢授萍鄉知縣萍鄉自左良玉蹂躪後城中虛無人瞻斗至急招徠緩征勸懇月課士給筆札捐金贍貧者縣歡然稱新令賢鄰境聞之來歸者數十百家縣大治卒於官惟遺書數篋而已
安致遠字靜子恒子順治十一年拔貢生幼孤性嗜學博綜經史磊落有經世志專力於詩古文詞祥符周亮工爲青州道好獎藉人物致遠與同郡李澄中丁耀亢李煥章張貞皆見激賞煥章爲文不執一軌著述最富獨以考辨之疎爲世詬病致遠遺書規之其學日進致遠文宗廬陵不諧於俗十五舉不第家故貧往往餬口四方晚年子篋

既通祿仕乃閉門著書日與仲子箕講習不輟爲拙石賦
自况號拙石老人所著曰紀城文稿詩稿玉磴集螿音四
庫全書皆錄之曰安靜子集十三卷箕字雪園進士以庶
吉士改禮部主事箕字青士其綺樹閣詩稿亦四庫全書
所錄云

張聯箕字德生曉次子順治十二年進士授威海衛教授
升寧鄉知縣招來開墾撫綏流離卻陋規勤教養閭閻細
務皆周知而訓導之縣人爲立生祠吉州之民老幼千百
匍匐求聯箕一攝州事當事從之其在州有詩云空庭惟
落葉閉戶見秋山清况可想尋升江寧府同知所司有軍

青州府志卷四十六

三十一

鹽諸務弊政一清擢澉江府知府亦多善政不數年告歸
著有西征草海上吟等集

劉祚遠字子延鵬翥子順治十二年進士改庶吉士會臺
省需人

詔於庶吉士中擇教習有成者十三人補用祚遠首膺其
選爲吏科給事中祚遠以從祖正宗方居政府子孫不宜
在言路乃自引避改部曹旋里待補巡撫某按部至安邱
以祚遠第宅湫隘欲贈金易置之祚遠固謝曰先人敝廬
不敢易也乃止尋補吏部考功司主事十五年典試陝西
姦吏某請閒夤緣爲弊祚遠執付所司案治之

上大嘉悅稱其不負任使轉文選司主事歷稽勳司郎中
杜苞苴之路塞僥倖之門因事盡職勿曠厥官累晉大理
寺卿保定巡撫副都御史以株累罷行李蕭然子仁瑞字
雪阡生員性孝友從從父源淥學得其薪傳學使某額其
門曰北海儒宗仁瑞弟仁雨字澍野恬澹無營終身不履
城市工書日二十餘紙至髦不衰

趙燦博興人順治十四年舉人授含山知縣禁溺女興義
塾除行米陋規禁龍舟之遊有官兵過境燦白主帥發令
禁勿擾既去民爲立生祠

趙鉞字翼如昌樂人順治十四年武舉慷慨好義鼎革時

青州府志卷四十六

三十一

土寇蠭起鉞家縣城北捍禦有方寇無敢犯者事

聞當得一官以病辭

邱穀常字大年諸城人父志科性至孝崇禎十三年歲饑
施粥穀常歲貢爲鉅野訓導旋告歸廉靜自守著家訓有
見利如浼制氣如敵之語子濰遠生員亦有祖風

畢忠吉字致中益都人順治十五年進士授常州府推官
引經斷獄一時有鐵面之譽改蠡縣知縣行取刑部主事
歷升至雲南布政司參議子曰濇歲貢有文名四庫全書
錄其蒼洱小記一卷滇游記一卷附記一卷

連應鄭其字不傳

順治十五年進士康熙九年爲

永清知縣

樂安縣志選舉作岳州推官以推官改耳舊志無傳采訪亦不及不可考矣

永清

縣志稱其持躬寬厚賦無苛急刑多平允莅官四年以吏議去

陳緯字天襄臨朐人順治十五年進士授蒼梧縣知縣不攜眷行惟一僕一馬而已事上官無阿曲撫凋殘剔姦釐弊請託不行民間歌其貞廉有撫我梧兮鞠若嬰中心怒兮憫此獨之語以疾卒

孫家棟字隆吉安邱人順治十五年進士授義烏知縣果毅嚴明雖權貴不少假藉民始而疑繼而信服久之而愛戴不衰尋升邳州知州卒後年義烏人思慕其德請

青州府志卷四十六

三十三

祀名宦祠

劉果字毅卿必顯子順治十五年進士授太原推官莅事嚴明無所假藉康熙六年裁推官改補河間知縣河間繁劇多盜果一化以仁慈又力行保甲法治聲達於

朝九年

畿輔通志作八年

召見褒其清廉愛民寔見擢用十八年爲江南提學道謝絕私交釐正文體浮滑委靡之習爲之頓改以母憂歸不出著有蕪園詩集德州田雯亟稱之

王鉞字仲威恢基子與兄鏌並有盛名順治十五年進士授西寧知縣康熙十三年吳三桂反廣西總兵孫延齡應

之犯梧州逼近西寧鉞戒嚴以待賊陳引四者屯城外三十里知有備遁去先是梧州總兵班際盛駐兵水口欲移師鉞馳書極言不可班感動不數日援至梧州得無恙於是治最行取行有日矣平南王尚可喜上疏請留鉞度可喜子之信必反移疾歸十七年以博學宏詞薦不赴著有星餘筆記一卷讀書叢殘三卷粵游日記一卷朱子語類纂十三卷暑窗 二卷世德堂集四卷四庫全書皆錄之弟錫好施與順治間嘗出粟千餘石救饑鉞子沛思沛愼曾孫元烈錫曾孫元煥別有傳鉞孫槃舉人寶應知縣署沛縣歲饑請振不足累緡錢數千濟之柯舉人由刑

青州府志卷四十六

三十四

部主事補御史柯子元鷺舉人溫縣知縣以廉靜稱元鷺子垂紀舉人興平知縣調長安能平獄訟

孫必振字孟起諸城人順治十六年進士授懷慶府推官監漕小灘鎮御陋例二千金令民開渠溉田千餘畝旋裁缺改補陵川知縣陵川經兵燹道路阻塞鑿山開道以通行旅人號孫公峪行取河南道試御史凡所建白皆切時政尋用左都御史魏象樞薦視浙江鹽政力剔宿弊差竣遷掌河南道因星變陳言請速撤潼關添稅以安三秦報可三逆平後投誠歸命者雜還並用必振劾遵義總兵李師膺初任韓城據城先叛

大兵擊破復投王輔臣及平涼困降然後混廁俘囚冒
今職請罷斥以爲攜貳之戒公論大快又以銓法不公劾
吏部吏部中以危法

上鑒其誠掌河南道如故旋以病歸從兄瑚舉人涇縣知
縣能除稅糧火耗民甚感之子濰溥陽朔知縣免徭獍種
落十三里雜稅孫和相別有傳

郭徵明字獻臣益都人順治十七年舉人授濟南府教授
郡人稱得師升樂昌知縣均徭役杜弊竇會有自北來者
詭言王府中人恣睢暴橫爲地方害立捨治之循聲大著
旋引年歸

成其範字洪敘勇于順治十八年進士授直隸保定知縣
康熙初以治最行取授陝西道監察御史遇事敢言甚著
風紀湖廣道王業興遷浙江糧道數月丁憂總督蔡毓榮
援從軍例題留業興在湖廣遣用部臣依之其範以丁憂
官員不應妄行題留抗疏論之又廣東巡撫請以新授同
知潘繼賢補廉州知府吏部已駁議其範疏請以歷俸之
年爲道府州縣題升之限并請京職會推兼用掣籤之法
皆允行康熙十七年逆藩吳三桂猶稽誅督臣蔡毓榮禦
於岳州勝負未決其範疏言自十一月十七日火星退鬼
金之宿二十二日火星退井木之宿自三十一度起退至

二十五度而留留至正月十七日而夕遲其分野自貴州平越府起至雲南大理等八府止主賊兵自相殘害一月之內端倪必見五月之內消滅有徵宜及時奮發圖功疏上三月岳州捷音至出案兩浙鹽政軍需方殷而兩浙鹽課額減故明八千餘兩其範奏復之尋擢通政司參議再遷太常寺卿兵部右侍郎吳世璠誅黔粵既平其範復上疏略曰竊惟保天下之泰者貴保於既泰之後而謀天下之事者尤貴謀於未事之先古大臣望星躔而識年歲之豐歉占風雲而卜盜賊之衰旺惟其知之也蚤故其慮之也周此所以臨事而無倉皇失措之虞也若必待事至而

始爲之謀則有不及謀者矣往者逆賊吳三桂等倡亂遐方使當日督撫諸臣密有以察其幾而折其萌豈至任其狂悖而勞我

皇上數年之睿算乎故臣謂欲圖治安莫如選擇巡撫而粵西尤爲要地更不可以不謹也蓋粵西地控百粵連五嶺滇黔交趾環繞於外猺狼獾狗雜處其間土地荒瘠戶口凋喪官吏染毒瘴輒病廢不能視事山多伏莽時有隱憂撫茲土者非有清潔之操強固之質真學問經濟者不能勝任而無憾也蓋有清潔之操然後貧乏不足以動其中有強固之質然後烟瘴不得而攻其外有真學問經濟

然後可預察夫水旱盜賊之數熟悉夫安內攘外之圖漢光武之用馬援久鎮滇粵正謂此也疏上下吏部議又上言臣竊惟陽陰愆伏之端不徒責之氣數參贊化育之理必專屬之聖人故大易之稱聖人曰範圍天地之化而不過明乎聖人之大有造於天地而天地之灾祥不足窮聖人也夫灾祥亦何常之有見祥而驕則祥不爲福見灾而懼則灾轉爲祥事應星變原無定說顧脩省何如耳蓋星變有由人事而致者有不由人事而致者如義失罰出歲星刑失罰出辰星熒惑守心則地震流星入辰則地動此由人事而致者也如太白辰星出入常以辰戌丑未晚出

爲慧星及天矢歲星進而東北三月生天棓長四尺末兌此不由人事而致者也由人事而致者可以人事挽回之卽不由人事而致者亦無不可以人事挽回之但由人事而致者必待垂象而後知不由人事而致者可以按數而預測亦由日月食之可按數而預測也待垂象而後知者補救每在事後可按數而預測者脩省宜在事先臣請敕令司天各官預將一年星變地震之有無推測明確同日月食以並進呈御覽使內外大小臣工咸知熒惑將變則脩禮歲星將變則脩義比之日食脩德月食脩行之例類而推之莫不皆

然如其應變而不變也則是人事之果無失也而脩省不可以不力如其不應變而變也則是人事之尚有缺也而脩省愈不可以不力此聖人克謹天戒之意也

上納其言其範端重有風度少承家學習天文家言而章疏不及符瑞蓋有古諫臣風云弟其謙有遺世想棄家遠遁季弟其愿思之至廢寢食偕一老僕崎嶇山右川陝間數載不遇而返康熙三十二年舉於鄉未仕卒

劉毅志字朱霞樂安人順治十八年進士性孝友執親喪哀毀骨立事其兄恭謹無少間後官廣東大埔知縣有循聲以卻寇功宜優敘事未及上而卒又馬作肅康熙四十

青州府志卷四十六

三十八

五年進士授河南尉氏知縣請改教授補安東衛學於經傳多所發明鄉人稱之惜著述不傳

楊蕃字公碩諸城人順治十八年進士授清河知縣地當孔道大官往來如織蕃迎送無時而民事以辦日食蔬菜炊以馬通百姓作詩歌頌之大吏歎爲真清官卒以贛直誑誤歿於京師弟蘊與兄蕃同第進士安定知縣蕃蘊皆好學有文辭時有二楊之目

臧振榮字均仁爾勸孫幼奮志爲有用之學順治九年拔貢肄業成均與鄧漢儀丁耀亢二百餘人爲觀文社學益進十八年成進士授昭平知縣方莅任滇黔告變廣東西

震動昭平屹然獨存巡撫重其才檄赴軍前而昭平陷旋署懷集以孤城拒寇甫受代兩粵皆淪沒乃告歸陷於賊脅以僞職矢死不從乘間脫去懷廣西監軍傅宏烈密疏穿數賊巢抵贛州謁鎮南將軍舒某巡撫修某疏乃得入擢寧州知州遂北歸子珊昆陽州知州猺人化之尋升知府歷姚安西寧西寧有大清漢來唐延三渠年久堙塞珊疏濬之其利甚溥

孫廷鐸字道宣翊昌子崇禎間舉人康熙七年授陽江知縣縣號難治值海禁初開瀕海之民多散亡廷鐸多方招徠復業者萬餘家大猾李桃者恃逆藩爲鄉里害廷鐸急

青州府志卷四十六

三十九

捕獲杖殺之豪黠股慄蠶戶石貴等以遷界失業據島嶼爲盜廷鐸亟招撫之民賴以安後告歸生平嗜傳注之學又好陶詩新城尚書王士禎懷人詩云栗里應懷古花時久杜門懷廷鐸也著有禮記敘纂十篇詩集五卷子寶仁生員能爲詩古文詞著有禹石樓集士禎亦稱之孫寶仍字孝堪廷銓子順治間以蔭生授光祿寺典簿同僚中有直兵部宴者亡失官器吏以並坐寶仍寶仍不自理遂與共罰人以爲不可及一日諸貴胄爲公讌裘馬翩翮寶仍獨敝裘敗帽以往其高識遠懷類如是後遷本寺掌醢署署正甫十日卽請歸省以詩古文詞自娛不復出

弟寶侗字仲愚生員幼穎悟邃於六經其論多出新義又工詩王士禎稱其爾雅深厚不羸不佻一時名卿聞人爭折節下之以父蔭當得都察院經歷不就必欲以科目自樹侍父京邸鄉試必遣歸曰吾爲大臣汝又薄有文譽苟以一第相溷爲結納之階生平廉隅掃地矣寶侗以是老於諸生著有惇裕堂集

趙作肱字翼鄰益都人生而沈敏及長學靡所不究年十四補郡學生員屢躋於鄉舉遂棄帖括奉父母色養備至族黨無間言居父喪年四十五矣哭泣如孺子遂致疾越十年遇母喪毀瘠如喪父時疾日甚其生平事事克己利物皆仁孝所推云子執信別有傳

青州府志卷四十六

四十

王璵似字魯珍益都人明生員父玉生順治間以歲貢爲湖州通判遷懷慶府同知以廉介聞璵似善隸書工詩畫鼎革後不復與試學使者出其籍晚年主諸城張衍居放鶴園日嘯傲山水間卒衍歸其櫬焉又楊涵字水心亦明生員與璵似同客放鶴園書工漢隸善畫詩亦極有風格卒葬放鶴園側題曰益都高士楊雲笠先生之墓

于沼字靜瀾益都人幼業儒早歲喪母父三錫生員嘗病瘧沼侍醫藥不解帶不入私室近一載里中相傳以爲子弟勸後三錫以事逮京師沼千里相從左右扶養三錫繫

獄沼覓橐籥日三往返風霜雨雪不逾時刻手足皴瘃體貌憔悴戚動路人父獄中染疫沼哀求入侍典獄者嘉其誠許之沼復赴部號慟鳴冤觸階首裂箠擊不避父冤白而沼病不踰月卒

王蒨孟字青來基孫明生員少有異慧試輒高等邑人鍾羽正大器重之康熙初以恩貢授寧德縣丞母促之行先是耿逆爲變流亡之民投誠者據其產訟不決蒨孟白於上官以荒田歸兵民田歸民皆得復業民大感悅以母老告歸策蹇而行民爭爲餽贐盡卻之子海字春濤生員詩古文磊落有奇氣生平疎曠不遇以老楊延嗣字綏淋與

青州府志卷四十六

四十一

海才名相埒遇亦略同壽光安致遠爲訂其青嶠集而序之

姚可榮字寬宇益都人幼有至性父三正嘗販遊南方不返者八年可榮謂弟可章曰子善事母余往求父不見父不歸也遂由淮浙歷閩廣三載遇江南程某者自海南來云見一老人姓姚氏山東人詢其年貌頗相似遂至海南冒瘴霧跨瓊廉二州至暹羅國界染病將死有人乘騎至曰此孝子也燄以藥尋愈起視之其人已不復見可榮以爲神乃跨海而南遇父於安南國市惘惘如夢中旣而相持大哭旁觀皆爲感泣遂奉父歸半載而父卒

楊洛益都人性至孝親卒廬墓三年

縣志不言
父墓母墓

居近瀾水

歲出資築板橋濟往來既沒鄉里多思之
宋璟字明宇益都人少以勇力聞順治間土寇竊發璟率
衆防禦之鄉人恃以無恐嘗得遺金百徧招其人有僞稱
己資者璟信而與之俄而主者王姓至偕往證明而金已
散什之二三矣璟復爲補其闕以還之王感泣而去弟瑜
己析爨家產蕩盡璟引之同居撫猶子如己子璟初無子
年五十乃生子人以爲好義之報云

孫穀臨淄人貢生授直隸濬縣知縣以興學教士爲先地
當孔道供億繁多力請於上游一切驛政各還舊例縣又

青州府志卷四十六

四十二

多水患穀捐俸修隄水患以平民爲立德政碑

齊東震臨淄人貢生授廣東肇慶通判某獄誤置民於死
東震至立出之人稱平允其寡弱被大姓兼并者田產殆
盡聞東震至爭赴愬盡追還焉又張會昌爲長治知縣有
政聲去官後士民懷之又李希顏郟城教諭以己資修學
宮能教士多所成就焉

劉輝博興人例貢性高潔好學授曲阜縣訓導崇德義端
士習常俸以外無所取去官空囊以歸

許志尹博興人生員性純孝幼喪父哀毀盡禮有弟四人
志尹督教之皆成立又與弟志孔志龍讓產於兩幼弟邑

人推爲師表知縣高仁度嘉其行又張文則亦事親孝能讓產於兄趙來臣事寡母三十餘年依依如嬰兒撫兄弟之孤如已出文則武生員知縣李啟朱表其門來臣生員知縣沈以曦表其門

賈琮博興人順治間恩貢考授州判父疾篤琮尚幼日夜焚香告天願以身代父歿奉寡母朝夕定省終身如一日孫之彥生員亦以孝友稱

韓士升博興人生員性孝友世父無子事之如父敦本睦族遇人恒退讓如不及好修道路橋梁設義船以渡行人又陳士任性孝友歲饑鬻子女者見之輒爲贖還施棺殮

青州府志卷四十六

四十三

道殮生平振卹貧寡捐修橋梁不可殫述又有與士任同稱者曰顧遵曰李郁遵生員郁監生

顧昂博興人生員性端方父病昂乞天自代父歿哀毀骨立喪葬如禮三年未嘗見齒知縣陳某欲一見之再拜辭謝母久病藥必親嘗十年無百里之行母卒值隆冬披髮跣 晝夜不離柩側親族或勸之號泣不已竟不起

蓋世福博興人幼事父母孝年二十父母俱逝兩弟幼倚世福如命仲弟死撫季尤篤同居六十餘年怡怡如一日季常遊麻大湖遇風時世福以事在濟南聞之日夜馳三百里歸幸無恙也族弟某幼無所依世福爲之婚娶給田

宅家中落歲稔鬻故物得粟猶分宗族之貧者其篤於根本如此

賈雯字漢倬博興人生員天性孝友事親先意承志克盡所歡居喪哀毀骨立弟斐生員早卒雯撫其遺孤如己出比長倍與之產而自立別業於他所

尹考槃博興人農家子幼孤事母至孝凡母所嗜必百計購致以進母病侍湯藥尤謹朔望必泣禱十六年如一日母歿哀毀骨立三年猶每飯必薦焉

宋琦博興人事親孝能以色養異母弟三人悉督教之成立歲饑煮粥振救全活無算官爲表閭又王鈞能讓產於

青州府志卷四十六

四十四

兄弟又代人贖女歲饑出穀百餘石施粥縣令趙某表其門又馮志禹施粥救饑能爲鄉閭息事解紛縣令陳某表其門又吳嵐事繼母有孝聲敦宗睦族振貧卹孤幼一鄉亦稱好義焉

張曰升博興人年十七遇兵被虜得間脫去尋父屍裹以己衣負而歸葬家盡毀抱兩幼弟忽飢推食卒相全活亂定家復裕稱貸者累緡錢數百千歲饑悉焚其券有鬻女償所負者曰升瞿然返之趨令歸贖曰非爲翁鬻女也錢已費十九矣曰升更益之金俾得贖焉嘗有百金友人子乾沒之或嗾之訟曰升從容謝曰百金雖多何若友誼之

重也

任恭樂安人生員少折節讀書常慕古人行事一日行野得遺篋坐竟日俟其主至還之其人以姓氏里居告恭曰吾不願聞也他日遇於市趨而避之平生孝義廉靜大率類此知縣請爲鄉飲大賓堅辭不赴年八十三卒又鄭直其操行亦見稱於時嘗歲暮焚借券云

劉三楫樂安人生員性純孝躬行廉潔縣官某表其門郭心印字印月樂安人拔貢性豁達有大志事繼母以孝聞授直隸滑縣知縣革弊除姦墾田興學一時稱其廉幹擢江西贛州府同知縣人至今尸祝之

陳鑾樂安人生員事親孝持已嚴見義必爲導人以善鄉里有爭鑾以理曉譬之輒悔曰毋再爲陳君所短時稱善士焉先後以孝義稱者曰馬可駿鍾補袞顧良擎吳國屏景運熙可駿補袞皆生員國屏貢生運熙候補州吏目宋彥賓樂安人石工也竄甚母目雙翳每夕露禱積十二年不衰母目少開遂茹素終身後鄉里欲舉其孝行彥賓涕泣卻之

劉學亮字際明樂安人貢生授湖廣長沙知縣時湖湘初定長沙居省城軍需供應之後民凋瘵不堪命學亮曲爲撫綏隨事安集供張不誤而民亦漸蘇一縣稱爲循良以

病罷歸

張廷鍵字瑞思壽光人性篤厚事庶母如母族黨孤莸者多所撫育至於成立其業師武姓者以老病歿託其妻妾幼子於廷鍵養之三十年如一日屢助人婚葬凡邑有大興作皆倡先爲之邑人稱善士焉

張養體字保初壽光人少有至性以孝聞明崇禎十五年縣城陷父及伯兄皆死於兵養體負伯兄幼子冒死以免生平振卹孤寡有句必給子弟皆勤儒術嘗謂讀書不必取科第但使無擇言無擇行爲鄉黨有道之人榮於三事九列遠矣年近九十卒安致遠表其墓比之劉善明汜毓

青州府志卷四十六

四十六

云子岐亦有學行

董蟾秋

舊志選舉作董蟾秋縣志同傳獨作黃恐誤

字含香壽光人拔貢爲永

寧州判以軍功升安定知縣多惠政康熙十七年大括地蟾秋以兵燹之後民未復業不肯增賦去

魏之京字元永翰曾孫父瑄以建言遣戍遼陽之京隨父戍所窮荒羈旅衣食維艱父卒之京號慟乞棺以殮會詔吏部列奏建言得罪降革流徙諸臣以瑄情罪尚輕宥其家俾得歸葬之京扶棺歸里骨立哀號行路傷之後授伊陽縣知縣卻例金置屯田惠政大舉以丁生母憂歸兄之佳以蔭補中書舍人以幹略稱

竇廷宰字冠百慶裔孫貌魁梧少有膂力善彈丸發無不中順治間邑有流寇毛包聚黨數百人爲害官兵不能禦廷宰慨然率衆往彈傷其左目又傷其馬足捨之間閭以安乃折節讀書由廩貢考授縣丞未任卒孫鑣如廩貢生積書萬卷涉目卽能記憶時號竇五車云廷宰曾孫文濤廩貢授齊河縣教諭治家治身蘄然能自樹立歲暮嘗焚借券以此見稱於時 孫景燕別有傳

劉圮字含章臨朐人歲貢天資高朗善應事變爲諸生時遇事有關風化者輒倡之於當道無所顧忌豪強畏之出爲陵縣知縣視民事如家事發奸摘伏一時號爲神君未

及三載告歸

吉奉彥臨朐人隱居張保峪郡城有竇生者避僞將姚寇之變挾白金萬餘兩投於其家奉彥掘地數尺下之堅以杵自以縲錢二百千覆 上再杵之俄賊至掠奉彥家獲其牛羊衣物並發其錢而去不知其下有藏鏹也逾日竇往問奉彥曰劫殆盡矣竇不復至越數月事定乃招竇生啟其金還之平生重交道濟急扶危事殆不勝書 王問禮臨朐人性純篤不苟言動尤好濟人待以舉火者無算不能婚葬者輒資之偶出遇客傍徨於路將自經問禮亟止之乃服賈遇盜被劫者也引至家厚資之歸其後

客輦重物數車謝之卒不受年至期頤子孫蕃衍皆有士行

張三策臨朐人性孝友撫兄弟之子如己子居鄉里恬靜無求終身無失言失色於人數爲人助婚喪見人不善若身蹈之勸誡諄諄皆出至誠舉鄉飲大賓子才修德修皆生員能守其家法

劉源深字岷中希龍元孫生貢性豪邁明末盜起與弟源淥率鄉人列堡而守寇至鍵婦女一室與鄉人約敗則火之源深手斬三賊身被九矢衆賴以全元孫其旋別有傳王奇珍字徵我安邱人生員七歲而孤事母如嚴父崇禎壬午兄遺孤皆死於難羣從利其遺產會家祭奇珍戒其子勿取泣下沾襟其子亦終不取云

青州府志卷四十六

四十八

李其旦字旭菴涵子生員慷慨尚志節然不爲仗烈之行與人無少長恂恂恭謹一本於誠事親孝終日侍側無惰容長洲韓菼爲之傳子怡貢生九歲而孤有至性事寡母孝侍疾朝夕不離側先意承志母無所苦焉怡子大木大本別有傳

周籙長字蒼符若水子廩生天性孝謹母歿廬墓三年父喪亦如之苦塊野處不履閨闕者六年子臨生字子谷廩生性磊落工詩善爲人排難解紛晚年成就後學甚衆歸

安陸師至安邱造其廬訂交焉

張命長安邱人母病目百醫不效痛不可忍因默禱天儻母夙業宜喪明願抉一目贖母愆母令母嘗嬰痛苦也尋愈欣然走開明寺自抉一目事在順治間

劉源淥字崑右希龍元孫廩生五歲問父身所從來年十四而孤事母至孝明末寇起犯其鄉源淥手弓矢從仲兄禦之矢盡兄止之大呼曰離兄一步非死所也事定源淥闢田力耕家以饒裕謂仲兄曰兄多男區區者爲若曹計弟豈須此哉以其餘爲伯兄立嗣並贍亡姊家自是不復問家人生產源淥初制舉子業有名諸生間鼎革後不復

青州府志卷四十六

四十九

應舉閱養生家言從道士講參同悟真之術已知其妄復棄去於是大購經史度置一室殫精披讀日不暇給博覽宋儒語錄尤篤嗜朱子之書曰修身大法備於小學義理精微詳於近思錄日取朱子文集語類諸書仿近思錄義例次第編纂爲近思續錄反覆易稿終其身然後成書源淥旣尊信朱子精神所至夢寐相通

陳舜錫撰墓誌銘曰夢朱子與語天理是

流行底指語類十卷第三葉曰某生平得力在此 穿穴奧窔往往發其所未發四

十餘年劄記盈尺其論學以克去己私爲本以敬義夾持爲功而義禮氣質之性尤反覆推究謂佛老陸王所由與聖賢差別者皆在於此太極之要渺天人之離合貫宗鉤

極洞盪胸臆後儒近理亂真之說始不足爲學者惑元明
以來所服膺者前朝惟薛文清瑄本朝惟陸清獻隴其餘
子不以爲是也嘗自敘其學始去外物而見身繼去身而
見心又去心而見理聞其論者以爲實錄云源淥晚年造
道日深從遊者衆隨人姿稟以爲開導每五鼓起謁先祠
退居一室與高第弟子陳舜錫馬恒謙從兄子仁瑞輩讀
書講學亶亶忘倦率至丙夜以爲常月爲講會列坐數十
人源淥敷陳經義意指詳明務使人人曉暢而後已然生
平務實踐至老躬行不衰與徒尚論說爭講學之名者不
同故聞人過失必正言相規亦樂聞已之過雖下至臧獲

青州府志卷四十六

五十

亦得盡言無隱尤篤內行執兄喪七日不食幾不起罄其
資爲義倉以周貧乏煮粥餉餓者曰財屬人人屬我我屬
天此中何分界至以喪祭禮廢詳考經傳酌爲式喪禮附
身附棺外不爲浮靡祭禮自先祠以逮雷竈土庶家所得
行者次第從事每祭尤嚴齋戒之期語人曰湛然純一之
謂齋肅然警惕之謂戒戒如誠意齋乃心正也始祭朱子
於家以九月十五日爲朱子誕辰依白鹿洞祭孔子禮

張在

辛別傳日巳卯秋先生年八十二巳感風證當祭期三日不食猶勉強以任事中祀朱子而以其

子敬之門人黃直卿廖子晦李果齋諸人侑焉後言於縣

令建祠東郭外

墓誌銘又建祠日照置祭田八十畝

歲上丁祭孔子廟後以

次祀焉又立管幼安祠成於十月二十六日遂爲祭期焉
康熙三十九年卒年八十有三嘗自顏其室曰直齋至今
學者稱直齋先生其語錄有記疑二十四卷冷語五卷歸
安陸師與陳舜錫及舜錫門人馬長淑等合而訂之曰讀
書日記刊以行世其近思續錄十四卷四書補注小學補
注或問補注周易解評儀禮詩書經傳大小戴記評儀禮
經傳通解編春秋左傳皆其徒分攜以去不復存
國史與范鎬鼎並列儒林傳曾孫憑信監生倜儻有幹略
能贍其族又急人之急持家嚴整喪祭一秉源淥家法抱
先世遺書教其子若孫老而益勤卒年八十有八

青州府志卷四十六

五十一

李觀育字如音安邱人生員早歲爲知名士年未四十卽
絕意進取閉門不預世務悉以先世遺產讓諸弟曰天倫
中自有樂事富貴儻來之物不能奪也族曾孫禮重始孩
而孤老成通敏無子弟之過事大父母母孝聘王氏女得
痼疾女家欲絕婚禮重執不可娶之疾亦尋愈
王斗維斗樞弟父歿廬墓側順治元年土寇至或勸之避
斗維泣曰舍吾父將焉往遂遇害
惠國隆字太寰諸城人明季之亂與弟負母以逃弟遇害
國隆三日夜不食未嘗使母自行也康熙十八年出粟救
饑村中數百戶無流亡者

祝鯁字眉年諸城人歲貢明季土寇楊某掠其家鯁率衆擊之楊復集數百人大掠而去亂稍定白知縣程澇捨之論死旋有武舉劉恩波以檄捕其餘孽誤縛毛慧之等十餘人鯁立白其冤鯁亦能文章顧不自衒惟務實行與安邱劉源淥交

張嘉賓字龍輔初旭子事父母孝晝夜不離側夜深命之退卽伏寢門外輒終夜不寢父歿廬墓蔬食三年以父病思橘不得乃終身不食橘壽光安致遠稱爲獨行君子孫席慶字善徵臨朐人順治初以拔貢任漢中府通判告歸終養舊志入事功傳而不言其事功

青州府志卷四十六

五十二

馮夢陽臨朐人生員性和易與人處無貴賤貧富皆有禮然不可干以私鼎革初寇攘滿道聞其名不忍加害其素行見重於人如此

周若水字文漪潮孫生員有學行晚以子厯長貴諸子及孫繁且昌矣若水處之澹如澣衣疏食曳杖於門遇故舊接膝而談望顯者車逡巡避焉子厯長錄長別有傳派長舉人有操行學宗程朱著有中庸宗旨古槐居存言范允燦字章之諸城人明生員慷慨有風節崇禎十三年出粟救饑後四十年土寇起負母宋避合河村寇猝至母驚怖死允燦號泣以頭觸寇遂遇害